



Nkhskt. Angie Motshekga,
iNdvuna yeMfundvo
yeSisekelo.



UMnu Enver Surty,
Liphini leNdvuna
yeMfundvo yeSisekelo.

Letincwadzi tekusebentela tikhicitelwe bantfwana baseNingizimu Afrika ngekuholwa yiNdvuna yeTemfundvo yeSisekelo, Nkhskt. Angie Motshekga akanye neLiphini lakhe uMnu Enver Surty.

LeTincwadzi Tekusebentela takaRainbow tiyincenye yemitamo yaleLitiko leTemfundvo yeSisekelo yekutfufukisa bafundzi baseNingizimu Afrika emabangeni ekucala lasitfupha ekufundza. Njengalomunye wemigomo lehamba embili eLuhlelweni lweKusebenta lwaHulumende, lomsebenti ukhokhelwe ngesihle Silulu seTimali saVelonkhe. Ngenca yalokusekelwa ngetimali, leLitiko leTemfundvo liphumelele kwakha letincwadzi ngato tonkhe letilwimi letilishumi nambili letisemtsetfweni kulelive.


Siyetsemba kutsi bothishela batatitfola tilusito kakhulu letincwadzi tekusebentela basafundzisa malanga onkhe kute bafundzi bakhone kucedza luhlelo lwabo lwekufundza. Setame, ngekurophelela lokukhulu, kusita thishela kuleyo naleyo ncenye yemsebenti, ngekusebentisa timphawu letitifombe kukhombisa umfundzi loko lokumele akwente.

Siyetsemba bantfwana nabo batakujabulela kusebentisa letincwadzi basachubeka nekukhula nekufundza; nekutsi bothishela batawutfokota kanye nabo.

Sifisela bothishela nebafundzi imphumelelo basachubeka nekusebentisa letincwadzi tekusebentela.

Tincwadzi letitfolakala kulelimfomfo:

- Kufundza/ Lulwimi Lwasekhaya Emabanga 1 - 6 (Ngato tonkhe tilwimi letisemtsetfweni)
- Tibalo Emabanga 1 - 3 (Ngato tonkhe tilwimi letisemtsetfweni)
- Tibalo Emabanga 4 - 9 (NgesiNgisi nesiBhunu)
- Emakhono eMphilo Emabanga 1 - 3 (Ngato tonkhe tilwimi letisemtsetfweni)
- Lulwimi Lwekucala Lolwengetiwe Emabanga 1 - 6 (NgesiNgisi)



LIFESKILLS IN SISWATI
GRADE 3 – BOOK 2
TERMS 3 & 4

ISBN 978-1-4315-0293-6

THIS BOOK MAY
NOT BE SOLD.



9 781431 502936

Libanga

3



Emakhono eMphilo
SISWATI

Incwadzi 2
Emathemu 3 & 4



Ligama:

Likilasi:



basic education

Department:
Basic Education
REPUBLIC OF SOUTH AFRICA

Nkosi sikelel' iAfrika
Maluphakanyisw' uphondo lwayo,
Yizwa imithandazo yethu,
Nkosi sikelela, thina lusapho lwayo.

Morena boloka setjhaba sa heso,
O fedise dintwa le matshwenyeho,
O se boloke, O se boloke setjhaba sa heso,
Setjhaba sa South Afrika – South Afrika.

Uit die blou van onse hemel,
Uit die diepte van ons see,
Oor ons ewige gebergtes,
Waar die kranse antwoord gee,

Sounds the call to come together,
And united we shall stand,
Let us live and strive for freedom,
In South Africa our land.

UMTFWALO LOBHEKENE NALABASHA **BENINGIZIMU AFRIKA**

Kulingana

Phatsa wonkhe muntfu
ngekulingana
nebulungiswa.
Musa
kubandlulula.



Sitfunti sebuntfu

Hlonipha wonkhe umuntfu.
Yiba nemusa futsi
unakekele.



Imphilo

Yonkhe imphilo iligugu.
Phatsa konkhe lokunemphilo
ngenhlonipho.



Umndeni

Yatisa uhloniphe
batali bakho.
Yiba nemusa
wetsembeke
emndenini
wakho.



Imfundvo

Ngena sikolo, fundza
usebente
ngekutikhandla.
Yilandzele
ngco,
imitsetfo
yesikolo.



Kusebenta

Sita Umndeni wakho kwenta
umsebenti wekhaya.



Inkhululeko nekuvikeleka

Musa kuvisa buhlungu,
uchwachwate kumbe
wesabise labanye,
futsi ungabavumeli
labanye bente loko.
Sombulula tincabano
ngekuthula.



Imphahla

Hlonipha imphahla yalabanye.
Musa kulimata takhiwo, futsi
ungebi.



Inkholelo, inkholo nembono

Hlonipha tinkholo nemibono
yalabanye.



Kuphepha

Nakekela umhlaba.
Ungamoshi emanti nagezi.
Nakekela imphilo yetilwane
neyalokuhlumako.
Gcina likhaya
nemmango wakho
uhlobile futsi
uphephile.



Kuba sakhamuti

Yiba sakhamuti saseNingizimu
Afrika lesihle
nalesetsembekile.
Tfobela imitsetfo,
ucinisekise kutsi
nalabanye benta
njalo.



Inkhululeko yekwetfula imiva

Musa kwandzisa emanga
nenzondo. Cinisekisa
kutsi labanye
abetfukwa kumbe
imimoya
nemiva yabo
ihlukubeteke.



Published by the Department of Basic Education
222 Struben Street
Pretoria
South Africa

© Department of Basic Education
Second edition published in 2013

ISBN 978-1-4315-0293-6

The Department of Basic Education has made every effort to trace copyright
holders but if any have been inadvertently overlooked the Department will be
pleased to make the necessary arrangements at the first opportunity.

This book may not be sold.

Libanga

3

Emakhono eMphilo
ngeSISWATI
Incwadzi 2



Lencwadzi ya:

Tindzawo lekuyingoti kudlalela kuto



Asibhale

Utivela wemukelekile endzaweni lephephile. Leti tindzawo lotawuhlala utivela kutsi ungaphindzela kuto.

Kute longakuvisa buhlungu noma akulimate lapho.

Indzawo lephephile kubantfu ngulapho wonkhe umuntfu emukelekile. Kute loba sengotini yekulimala lapho.

"Kuphepha emmangweni" kusho kutsi wonkhe muntfu unelilungelo kuphepha etindzaweni letivulekele ummango, njengetitimela, ematekisi nelugu lwelwandle.



Asikhulume

Buka letitfombe ucocisane nemngani wakho ngato.

Cocisana nemngani wakho nisho kutsi kuyingoti ngani kudlala kuletindzawo.





Asibhale

Umntfwana longesekudla esitfombeni ngasinye kumele ente sincumo.
Msite kutsi agcwalise emagwebu-nkhulumo akhe.

Hhay'bo, landza ibhola wena! Wesabani?

Eyi, angeke mine, ngingahle ngi _____

Hhay's suka fana! Tsani gaja nje kancane! Kubukeka kukahle. Wesabani?

Cha angeke, ngingahle ngi _____



Asikhulume

Cocani ekilasini ngalemibuto.

- Yini tintfo letiyingoti letingahle tibe sendzaweni yekulahla tibi?
- Yini bantfwana batsandze kudlala endlini legugile?
- Yabobani imphilo leba sengotini nangabe bantfwana badlala emgwacweni lophitsitelako?
- Ngutiphi timphawu letecwayisa ngekudlala kujantji wesitimela?
- Tiyini tingoti tekudlala ngaphalafini?



Asibhale

Buka letitfombe ekhasini 2 futsi, bese ubhala timphendvulo talemibuto.

- Tikutjelani letitfombe?

- Ungati kanjani kutsi akukaphephi kudlala lapho?



Teacher:

Sign:

Date:

Tindzawo lekuyingoti kudlalela kuto



Asibhale

Buka letitfombe.


Chubeka ukhetse munye umlayeto ngaphasi kwesitfombe ngasinye.

Phalafini angabhama ente emalangabi nakasesandleni semuntfu. Bantfwana bangafa nabangadla shevu. Bantfwana bangafutseteleka. (bangafa ngoba behluleka kuphefumula umoya lohlobile).


Umntfwana angadlutfulwa ngugezi.

Ungacali usebentise gezi nemanti.

Emanti labilako kanye nesitimu kungamshisa umntfwana.



Tifutfumete: _____



Tifutfumete: _____



Tifutfumete: _____



Tifutfumete: _____



Tifutfumete: _____



Tifutfumete: _____



Asente loku

Dvweba sitfombe sakho nemngani wakho nidlala ngekuphepha epaki.
Nitawudlala ngani? Cabanga tibonelo tekutsi ningamdlala njani mjikeni.
Cala usebentise ikhokhi pheni noma ipeniseli kwenta luhlaka lapho sitfombe
sakho sitawuhamba khona. Manje sifake umbala ngemakhilayoni noma iphasteli.



Asishukume

Tifutfumete

Nyakatisa titfo takho temtimba letehlukene ngasikhatsi
sinye. Sibonelo; gicita tihlakala takho kanye netinyonga
noma emahlombe kanye nemacakala.

Umshukumo Ngco: Kusimama

Tiphotise

Tinwebe kancane uphumute titfo temtimba letehlukene.
Nakwenteka ungakwenta loku ulalele umculo loshayela phasi.





Kusebentisa ematekisi netitimela ngekuphepha



Asente loku

Beka tinombolo kuletitfombe ngekulandzelana tikhombise kutsi kwentekani kuVusi.



Yewena Make, yincumbi indzawo lapha. Yenyuka!



Asikhulume

Buka letitfombe taboVusi futsi ucoce nemngani wakho ngato.

- Liphutsa labani kutsi kwehle ingoti?
- Ngabe bentani nje boVusi nenina?



Asibhale

Buka titfombe letingesekudla bese ucocisana nemngani wakho ngato.

Labantfu yini lengakalungi labayentako? Bhala umlayeto wesitfombe ngasinye usho kutsi kufute benteni bagibeli.



Timphawu letecwayisa ngengoti



Ase sifundze

Timphawu temgwaco netesitimela tentelwe kuphepha kwetfu.

Letinye timphawu tekusivikela. Tisecwayisa ngengoti. Letinye timphawu tisitjela kutsi sitiphatse njani emgwacweni lonetimoto.

Timphawu tekwegwayisa emgwacweni njalo nje tiba nemugca lobovu lotigegile.



Asente loku

Kujika tintfo usesitimeleni kungalimata labanye bantfu noma tilwane sisahamba sitimela. Camba udvwebe luphawu lolutsi bantfu bangalahli tintfo ngemafasitelo esitimela.



Asente loku

Buka letitfombe. Juba timphawu ekhasini lekujuba ngemuva encwadzini bese utinamatsisela etitfombeni letifanele.




Teacher:
Sign:
Date:



Asikhulume

Kuyini loku?

Buka lesitfombe bese ucocisana nemngani wakho ngaso. Kukhona yini kulesitfombe lowake wakubona ngaphambilini? Ngutiphi tintfo kulesitfombe letibukeka tingakafaneli noma letimbi? Yini tibukeke kabi?



Ase sifundze

Yini kungcola

Kungcola kwenteka nangabe singcolisa umhlaba lesiphila kuwo. Nasingcolisa umoya, emanti siyawadvunga. Umoya lohhushako, emanti emvula kanye nelilanga kungasisita kutsi umhlaba uhlale uhlobile. Kepha nangabe kunekungcola lokunyenti umhlaba uyehluleka kutsita. Kungcola lesikwentako akusilungeli kani futsi akutilungeli netilwane netihlahla. Kusibangela kugula, tilimo tingakhuli noma tife. Ngetulu kwaloko, kungcola kwenta kutsi indzawo yetfu ibukeke ijimbi kakhulu.





Asente loku

Sebentani ngemacembu alabasihlanu.

Thishela wenu utakunika licembu ngalinye sihloko salo lelitawusebentela kuso. Emalunga lamane ecenjini ngalinye atawutfola tibonelo tekungcola emagcekeni esikolo. Lilunga lesihlanu lona litawubhala konkhe lokutfolwe balingani balo. Linye lilunga aligcine imininingwane etafuleni ngekuklwibhita (✓) konkhe lokutfolwako. Nase niwucedzile umsebenti wenu, thishela utawenta sifinyeto saloko lenikutfolile. Ngabe emagceke esikolo senu anemphilo lenganani vele?



Asibhale

Bhala tintfo letisi-5 letilahliwe lenititfolile emagcekeni esikolo.

1.	
2.	
3.	
4.	
5.	



Beka luphawu lwekuklwibhita (✓) eceleni kwetibi kuloluhla lwaloko lokungaphindze kusebente ngalinye indlela. Beka luphawu lwesiphambano (x) eceleni kwetibi eluhleni lwetintfo letingalimata tilwane.



Asikhulume

Yakhani emacembu lasi-7

Nitawudlala timo letehlukene: umhlaba, emanti, sihlabatsi, umoya, sihlahla, silwane kanye nemuntfu. Balingisi bekucala labasitfupha kumele batjele bantfu kutsi kungcolisa kungabalimata kanjani. Umuntfu kumele aphendvule umlingisi ngamunye. Hlanganisani imicondvo niphume nesincumo sekutsi kumele nente njani ngaletinkinga. Nangabe utivela unesibindzi ngesimo losilingiselako, ungawenta lomdlalo embi kwelikilasi lonkhe.



Tinhlobo letehlukene tesingcolisa-ndalo



Ase sifundze

Kungcola kwemoya

Nasingcolisa umoya, siwufaka shevu: sifaka tintfo letite imphilo njengabogezi labayingoti kuwo.

Singcolisa umoya ngekubasa kakhulu emalahle, pethiloli, gesi kanye netinkhuni.

Ngisho netinkhomo tiyasifaka sandla ekwenteni umoya ungcole!

Tihlahla tisisita kususa umoya lonashevu kulomoya lesiwuphefumulako tengete umoya lohlobile.

Nasijuba tihlahla letinyenti, umoya lonashevu usala emoyeni bese kuba nalomncane umoya lohlobile lokhuphukako.

Sidzinga kuhogela umoya lohlobile kute sibe nemphilo.

Kuphefumula umoya longcolile kungasinika tifo temphimbo kanye nemaphaphu.



Timoto, emafemu nekubasa etindlini ngikona kuyinhloko ekudaleni kungcola kwemoya eDolobheni iKapa.



Kunetindzawo emhlabeni lapho bantfu bafaka tifonyo ebusweni nabaphumela ngephandle, ngoba umoya longaphandle ungcole kakhulu.

Ngako-ke i-esidi lenyenti emoyeni, lefucuka emafemini, ingabanga imvula lelumelako ye-esidi, lebulala tilwane ilimate netakhiwo.

Kungcola kwemhlabatsi

Singcolisa-mhlabatsi senteka nasifaka lokungushevu emhlabeni ngekufaka emakhemikhali. Kungcola kwesihlabatsi kubangwa kungcola kwemafektri netimayini. Loluhlobo lwekungcola ngulenye yetinkinga letinkhulu emmangweni. Kungafaka shevu emantini langephasi kwemhlaba kanye nasekudleni kwetfu netilwane. Kungcola kwesihlabatsi kungenta shevu emantini langephasi kwemhlaba kanye nekudla lokudliwe bantfu netilwane.



Kungcola kwemanti

Singcolisa-manti sifaka shevu emantini langephasi kwemhlaba, emifuleni, eticojeni nasemadanyini. Loku kwenteka nangabe imboni (ifektri) ikhiphela emanti ayo langcolile emifuleni lehlobile. Kuphindze kwenteke nangabe emanti eswilishi avutela edamini noma emgodzini logcitjiwe. Emanti langcolile angenta bantfu kutsi bagule aphindze abulale tinhlanti naletinye tilwane. Tihlahla letisedvute nalamanti langcolile nato tiyafa.

Kungcola kwemsindvo

Kungcola kwemsindvo kubangwa timoto letinkhulu njengemaloli; kuhutha kwetimoto, ematekisi, imishini yasefektri, umculo lonemsindvo kanye netintfo lokwakhiwa ngato tindlu nemigwaco. Umsindvo lomkhulu ungakwenta kutsi uvaleke tindlebe ungabe useva.





Asikhulume

Buka lesitfombe bese ucoca ngaso nemngani wakho.



Asibhale

Bangatsini labantfu naletilwane ngesingcolisa-ndalo?
 "Singcolisa-ndalo asikangilungeli mine ngoba..."



Asishukume

Nyalo tfole lisondvo lehula-huphu udlale.

Wena nemngani wakho kufute niniketane ematfuba kuhamba nijube
 kulehula-huphu, kwekucala ngetinyawo bese nihamba ngetandla.

Sale ubamba lelisondvo lime mpo umngani wakho akhase aphume kulo.

Niketanani ematfuba kwenta loku.





Siyachubeka ngekungcola kwemoya



Asente loku

Sewuke wafundza ngekungcola emagcekeni esikolo sakini.
Naningakate nibutse lokutibi, tibutseni nyalo. Thishela utaninika
tikhwama nemagilavu elipulasitiki kute nivikele tandla tenu.

Camba iphosita yekukhutsata bantfu kutsi baphindzaphindze lokusebentile kuvikela kungcoliseka kwesimondalo.



Bantfu bebaphila njani endvulo



Asikhulume

Tintfo lesitentako nendlela lesitenta ngayo tiyagucugucuka ngekuhamba kwesikhatsi. Buka letitfombe.



Cocisana nemngani wakho ngekutsi yini legucukile. Cabanga ngetinhlobo temsebenti lebetentiwa bantfu kulesitfombe sekucala; kutsi bebasebentaphi nekutsi bebagcoka timphahla letinjani. Bebahlala khashane kanganani nemakhaya abo. Ucabanga kutsi bebadla kudla lokunjani? Bebafika njani emisebentini yabo?



Ase sifundze

Endvulo, bantfu bebahlala edvute netintfo labatidzingako, njengekudla nemanti. Nalamuhla sisatidzinga leto tintfo, kepha tebuchwepheshe bethekhinoloji tisisondzetela kudla, emanti kanye nagesi, sesikutfola kalula.





Asibhale

Nangu umugca-sikhatsi lotawusebentisa usafundza kutsi bebaphila njani endvulo. Bhala lusuku lowatalwa ngalo neligama lakho kulomugca-sikhatsi.



15 000

tigidzi-minyaka
letengca:
UMhlaba
wabunjwa



2,5

tigidzi-minyaka
letengca:
Tilwane tekucala
leticala kufana
nebantfu




100 000

tigidzi-minyaka
letengca:
Bantfu bekucala



40 000

tigidzi-minyaka
letengca:
BaTfwa




1200

Kwakhiwa iMaphunguphwe
eLimpopo



1876

Kusungulwa lucingo
lwesimanje



1814

Sitimela semalahle sekucala




1652

Belungu baseYurophi
befika eNingizimu
Afrika




1879

Kusungulwa
emalambu agezi



1885

Imoto yekucala
yesimanje




1895

Umsakato wekucala



1903

Indizamshini
yekucala




1969

Umntfu unyatsela
enyangeni



1994

Nelson Mandela uba
nguMengameli wetfu



1975

Kucala kwabongcondvo-
mshini bebantfu



1973

Makhalekhikhini
wekucala

19 ____
Lusuku lwakho
lwekutsalwa

Teacher:

Sign:

Date:



Bantfu bebaphila njani endvulo



Asibhale

Nyalo gwalisa lamagama netinsuku tekutalwa tebatali bakho nabokhokho kulesihlahla semndeni.

Thishela wakho utakucela kutsi ucocisane nebantfu labadzala emndenini wakho ekhaya noma umeme emalunga lamadzala emmangweni kutsi bavakashele likilasi lakho. Nguyiphi imibuto longababuta yona ngemphilo yabo?

Ligama lamkhulu:

Lusuku lwekutalwa:

Ligama lababe:

Lusuku lwekutalwa:

Ligama lamkhulu:

Lusuku lwekutalwa:

Ligama lagogo:

Lusuku lwekutalwa:

Ligama lamake

Lusuku lwekutalwa:

Ligama lamkhulu:

Lusuku lwekutalwa:

Ligama lami:

Lusuku lwekutalwa:

Buta batali bakho imibuto lesi-5 ngebelusendvo lwakini lase balala. Sebentisa lamagama lalandzelako emibutweni yakho: Nini, kuphi, ini, kungani, njani.






Bafundzi esikolweni selidolobha laseKaroo edolobheni leGraaff-Reinet bameme UMnu Johannes Maart kutsi abacocise. Nangu umlandvo wakhe:

Ngatalwa mhlaka 7 kuKholwane nga 1922 epulazini laseGannaslaagte. Njalo ngaboLwesihlanu besitfolo inyama kumlimi lebesiyipheka ngetimphelasontfo. Besingenato tindlela tekuyigcina ibandza. Ngako-ke sasivamise kuba netimphelasontfo letingenanyama. Tikhashana letimbadlwana besikhona kuyomisa ibe ngumncweba, ikakhulukati nangabe umlimi adubule imphala noma impunzi.

Kanyenti besidla lifutfo, imphuphu noma emabhontjisi lomile-lebesikubita ngekutsi ngumncushu. Babe bekavame kutfolo fulawa lohlayekile wesinkhwa epulazini. Lofulawa bekagaywe ngumlimi esigayweni e-Ansenville. Ngesineke lesikhulu make bekabhaka sinkhwa ngelibhodo lensimbi lelikhulu alibeke emlilweni wemalahle ngaphandle ngoba besite sitofu. Kulokunye bekapheka intsandvokati yami, emapani-kuku kumbe ente emacebelengwane. Loku besikudla ngenkhovi yelidolofiya.

Nangabe thishela angakhoni kumema lomunye umuntfu kutsi ete elsikolweni senu, Ningasebentisa indzaba yeMnumzane Johannes Maart.




Teacher:
Sign:
Date:

Bekumnandzi yini kuba ngumntfwana emandvulo?



Asibhale

Buka intfo ngayinye etitfombeni bese uyasho kutsi yalesikhatsi sanyalo noma lesengca. Bhala "Mandvulo" noma "Manje" ngaphasi kwesitfombe ngasinye. Beka umbala ebhokisini lesitfombe sesikhatsi "sandvulo" locabanga kutsi sikhomba lobekunelisasasa kakhulu esikhatsini lesengcile. Sebentisa umbala lowutsandza kakhulu.



Asente loku



Yakha ifulemu yetitfombe

Utawudzinga:

- Liphepha lekhadibhodi lelinembala
- Pendi longemanti lonembala; imibala yehlukahlukane.
- Tintfo letehlukene taloko lobekungalahlwa, utewakha emaphethini sibonelo: ematolishi akotini, likhokho lekuvala libhodlela; tivimbo temabhodlela; lusiba nalokunye.

Umyalo wathishela:

Tinengi tindlela lesingacina ngato tintfo letiligugu tasendvulo. Lenye kutsi sibeke titfombe kufulemu.



1. Sika sikwele noma nacalandze ekhadibhodini wente ifulemu yetitfombe.

2. Penda ngephasi loko lofuna kube yiphethini yakho.

3. Hlobisa ifulemu ngekucindzetela luhlangotsi lolupendiwe ekhadibhodini.

4. Naseyomile ifulemu, faka sitfombe sagogo wakho noma mkhulu wakho bese usinika make wakho noma babe wakho njengesipho.




Ase sifundze

Umunzane Maart uvakashela sikolo kwesibili.
Uchubeka nendzaba yakhe.

Besingakavami kubona bantfu labanengi. Bobabe namake
bebasebenta matima kani basebenta ema-awa lamanengi.
NgemaSontfo besivakashela bangani betfu kulamanye
emapulazi. Sasihamba ngenkalishi. Besikutsandza loku
ngoba besitakudlala nebangani betfu.

Besitsandza kudlala ngematsambo, lubumba, emabhontjisi esihlahla
semanyeva noma ematje edanyini lelikhulu leliseceleni kwendlu
yakitsi noma emfuleni. Dzadzewetfu nemngani wakhe bebatsandza
kwakha bomdoli ngelubumba. Ticatfulo ngatitfolo sengineminyaka
leli-12. Babe watakha ngesikhumba senkhomo. Kwaba kuhle kutsi
ngingabe loku ngikhiphana nemanyeva labengihlaba etinyaweni
noma kubulawa kugula kwesitfwatfwa lebesa sente tintwane tami
"tintwane-lichwa" ekuseni ngesitfwatfwa sasebusika.



Asikhulume

Coca nemngani wakho ngekutsi ucabanga kutsi bekumnandzi noma
cha kuba ngumntfwana endvulo.

Bekuncono yini kunekuba ngumntfwana kulesikhatsi samanje? Ungacabanga
ngemathulusi netinsita letinye lesinato lamuhla nekutsi tenta umsebenti
siwente ngekushesha nakahle yini.




Emathulusi nemishini



Asente loku

Buka letitfombe ngesancele semathulusi asendvulo. Eluhlwini lwangesekudla, dvweba noma ujube titfombe temathulusi lesiwasebentisa kulesikhatsi sanyalo.






Asikhulume



A



B



C



D

Indlu kusukela eminyakeni Indlu kusukela eminyakeni
lengema-300 leyengcile lengema-200 leyengcile

Indlu yabo-150
weminyaka leyengca

Indlu yesimanje

Tindlu tigucuke kanjani ngekuchubeka kweminyaka?

Tentiwa yini kutsi tigucuke?

Basebentisa tintfo tini kwakha letindlu?

Tintfo tini lotatitfoli endlini D lebetingekho endlini A?




Asente loku

Sewufundzile kutsi tindlu tigucuke taphindze tatfutfuka njani ngekuhamba kweminyaka. Kuleli laseNingizimu Afrika letinye tindlu tihlotjiswa kahle kakhulu, njengetindlu tebantfu bakaNdebele nje. Letindlu tidvume kakhulu ngemibala leminengi leyakhiwe ngemaphethini ebuciko lobusetulu. Ase wente sengatsi unguMdebele, kanjalo ubhekene nekuhlobisa tindvonga temuti wakini.

Utawudzinga:

- Liphepha lelinemibala
- Imvilopho lemhlophe
- Sikelo
- Emakhilayoni
- Umtfofi wegulu

1. Sika umnyango nemafasitelo kulemvilopho yakho, njengoba ukhonjisiwe kulesibonelo.
2. Vula luphiko lwemvilopho utowenta luphahla.
3. Manje sebentisa emaphethini lahlukene, bobunjwa, imigca kanye nemibala legcamile kuhlobisa indlu-mvilopho yakho.
4. Cela thishela wakho kutsi achaze ngebumcoka bekusebentisa bobunjwa nemaphethini.
5. Namatsisela indlu yakho kulelishadi leliphapha lelinemibala.
6. Sebentisa titfombe lotitfole kumagazini kuhlobisa emaceleni kwalendlu.



Asishukume

Yenta shengatsi usha sigodvo utowakha indlu. Fuca uphindze udvonse umkhono wakho wangesekudla, ntjintjela esandleni sesancele.

- Mani eceleni kwemlingani wakho.
Hhuka umkhono wakho wangesekudla kuloyo wangesancele. Wena nemlingani wakho yentani sengatsi niphakamisa lisaka lemmbila lelisindzako ngekutsi nitjেকে eluhlangotsini lwangesancele. Phindzani nitjেকে eluhlangotsini lwangesekudla.
- Yenta sengatsi usihlahla. Phakamisa umkhono wengce inhloko yakho.
Goca sibhakela bese wenta sengatsi singumanafu kulesihlahla. Umngani wakho yena utawukha manafu esihlahleni wena ube ume unganyakati.
- Gibela libhayisikili: lala ngemhlane eceleni kwemlingani wakho.
Goba emadvolo bese ubeka tinyawo takho kuleto tamata wakho. Cala ushove libhayisikili ngemilente.



Emuva sasentani: siyachubeka



Ase sifundze

Lolu lusuku lwesitsatfu uMnumzane Maart avakashela sikolo. Usenetindzaba letinengi angaticoca.

Besinembayela epulazini.

Besiyisebentisa kwakha noma kukhandza emathulusi lephukile.

Nangineminyaka leli-10 sahlaselwa somiso lesibi kakhulu. Kwaba matima kutfolo kudla. Noko sajabula sajakadvula nasiphela somiso kufika timvula.





Asente loku


Yakha sibane sasendvulo.

Utawudzinga loku:

- sikwele seliphepha shadi lelimhlophe
- pendi longemanti lonemibala leyehlukene
- libhulashi lekupenda
- irula, ipeniseli nesikelo
- umtfofi weglu

1. Hlobisa liphepha lakho ngemibala leyehlukahlukene.
2. Goba liphepha emkhatsini libe nguhhafu.
3. Dvweba imigca ephepheni ishiyane ngemasentimitha lama-3.
4. Sika ulandzele emalayini, kepha ungefiki emphetfweni.
5. Goba liphepha ulivule bese unamatsisela ngesinamatselisi emacala omabili eliphepha.
6. Sebentisa umucu weliphepha kwakha sibambo ngetulu.





Buka lesitfombe lesiphatselene nemphilo epulazini eminyakeni lengaba ngema-200 lengcile. Cocisana nemngani wakho ngetintfo lebetinelisasasa ngaleso sikhatsi. Buka, njengesibonelo, timphahla tekugcoka, emathulusi netindlela tekutfutsa. Emuva kwaloko tjela thishela wakho nelikilasi kutsi



Asibhale

Catsanisa sisusa sekukhanya nesitfombe lesingiso. Bhala phasi libito lesisusa sekukhanya nesitfombe. Khetsa kulamagama: lithoshi, igilobhu, likhandlela, lilambu.

lithoshi



igilobhu



likhandlela



lilambu



Teacher:
Sign:
Date:

Kukhokha intsengo yetintfo



Asibhale

Bantfu bebatikhokhela njani tintfo labatidzingako kadzeni?
Sebentisa linye lalamagama kucedzela lendzaba yemali lengentasi.


bhadala	lugwayi	dla	isiliva	buhlalu
imali-buhhehlu	igolide	kwenanisa	tikhumba tesilwane	imali lemaphepha

Endvulo bantfu bebangasebentisi imali- _____ nemali
lemaph _____ kutfole tintfo. Kuleto tinsuku, bebasebentisa
kwen _____ njengendlela yekuntjintjisa tintfo. Nakwenteka
bantfu babe nelug _____, kodwa bebangenako kudla lokwenele
kwekubha _____, bekumele batfole umuntfu longabantjintjisela
kudla ngelugwayi.

Tintfo letifana nebuhl _____ luswayi, tinkhomo kanye
nelugwayi bekwenaniswa. Ngekuhamba kwesikhatsi bacala bantfu
basebentisa igo _____ nesi _____
kubhadalela tintfo. Ngekwengca kwesikhatsi futsi bantfu bacala
basebentisa insimbi kwakha _____. Lamuhla sisebentisa
imali lengema _____ kanye naleyo _____ noma
emakhredithi khadi kubhadalela tintfo.



Asishukume



- Beka emahuphu esiylweni noma udvwebe tindilinga esihlabatsini.
- Thishela nakatsi zuba, zuba ungene endilingeni ngato totimbili tinyawo.
- Uma thishela atsi zuba, zuba uphume endilingeni ngalunyawo lunye.
- Dlala mkoko.
- Sebentisa ishoki kudvweba tindilinga netikwele phansi.






Ase sifundze

Wayiphetsa kanje uMnumzane Maart indzaba yakhe nakavakashela bafundzi kwekugcina:


Manje sengikumhlala-phansi, ngiphila imphilo lepholile lapha edolobheni iGraff-Reinet. Sengingacabanga emuva ngemphilo lebeyimatima kepha iyinhle. Ngiyatikhohlwa tikhatsi tebumatima. Lokunengi sekwagucuka-sekunagesi waka'Eskom, wonkhe muntfu unelucingo lwamakhalekhukhwini, indlu lendzala yasepulazini seyakhiwe kabusha seyifana nendlu yasedolobheni. Kepha lokunengi solo kusenjalo. Timvu tisabukeka tiphindze tikhale ngendlela lefana neyakudzala. Njalo kusihlwa sinye sisebenti solo sitsatsa lubisi lolusha ehhokweni lwelubisi siluyise ekhishini. Bojakalazi netimphungushe solo babamba timvu.



Asikhulume

Nilikilasi khulumani ngetintfo lenicabanga kutsi tigucukile kusukela natalwa.

Manje khulumani ngetintfo lenicabanga kutsi atikagucuki kuyo yonkhe leminyaka.



Umhlaba ubukeka kanje nawusemkhatsini



Ase sifundze

Umhlaba uyibhola lenkhulu noma indilinga lesiphila kuyo. Konkhe lokusondzele kulomhlaba sikubita ngekutsi ngumkhatsi. Kwengce nje iminyaka lengema-50 kuphela solo sacala kubuka umhlaba sisemkhatsini. Buka letitfombe temhlaba ngesekudla. Uyabona live, lwandle nemafu. Coca nemngani wakho ngekutsi ngutiphi ticu tesitfombe letikhombisa live, ngutiphi letikhombisa lwandle nekutsi ngutiphi letikhombisa emafu.



Bona umhlaba wetfu lomuhle, likhaya letfu.



Asente loku

Kulelibalave, landzelela sitfunti setincenye longabuye utibone nakugilobhu. Sebentisa emakhilayoni lehlukene kuhlobisa tincenye letehlukene.



Bhala phansi emagama aletincenye.



Ase sifundze


Umhlaba uneludvadvwasi lwengubo loluyembetse. Silubita ngekutsi ngumkhatsi. Ungawubona umkhatsi kulesitfombe?

Ematheleskophu



Asente loku

Yenta lomsebenti ekhaya kusihlwa nakute emafu esibhakabhakeni, sebentisa tinkhanyeti uzame kutfola ticheme tetinkhanyeti esibhakabhakeni. Beka luphawu lwekuklwibhita (✓) kulive mabala letinkhanyeti ngentasi. Lubeke luphawu eceleni kwato tonkhe tinkhanyeti lotibonako.




Asikhulume

Lamuhla sinemathesikophi lasisita kutsi sibone khashane le emkhatsini; ngeke sikwente loku ngemehlo etfu kuphela. Sibonelo yiHubble telescope, letisiletsela titfombe letinhle kakhulu tisuka emkhatsini. Live lase Ningizimu Afrika latakhele layo ithelesikophi eceleni kweSutherland lena eNyakatfo Kapa.



Ase sifundze



Bewati nje kutsi inyanga ihamba itungelete umhlaba?

Intfo lehamba itungelete lenye siyibita ngekutsi yisathelayithi.

Ngaloko-ke inyanga yisathelayithi yemhlaba.

Umvila lapho kuhamba khona isathelayithi sitsi yi-obhithi. Manyenti

emasathelayithi mbumbulu

latfunyelwe bantfu kutsi ahambe ku-obhithi. Yekucala yaya emkhatsini ngemnyaka wa 1957. IMabukakudze weHubble ngulenze yemasathelayithi mbumbulu. INyuvesi yase Stellenbosch yakha isathelayithi yekucala eNingizimu Afrika, iSunSat. Yaphakanyiswa ngeNdlovana ngemnyaka wa 1999.

Tinyenti tihlobo temasathelayithi. Lamanye abutsanisa lwati ngemkhatsi, lamanye abukene nesimo selitulu kani lamanye ngekuchumana. Lawa atfumela titfombe nelwati kusuka kulolunye luhlangotsi lwemhlaba kuya kulolunye.

Isathelayithi lenkhulu yi-International Space Station, labo bososayensi benta lucwaningo baphindze bahlolisise labakutfolako.



Asikhulume

Coca nemngani wakho ngalemibuto. Emva kwaloko sewungacocela likilasi imicabango yakho.

- Timoto letinyenti tinabohogela bemasathelayithi. Basebenta njani labohogela?
- Ucabanga kutsi lwati luni balimi labangalutfola kusathelayithi?
- Bososayensi bawasebentiselani emasathelayithi?

Tinkhanyeti netichingi-mhlaba



Ase sifundze

Umkhatsi wemhlaba yingubo legocotele umhlaba. Lengubo ingu 120 km bucatsa. Nawuhamba wengca 120 km kusuka emkhatsini wemhlaba, sewuwushiye umhlaba. Lapho-ke utfola bomakhelwane bemhlaba: letinye tichingi mhlaba netinkhanyeti.



Asikhulume

Ngale kwemkhatsi moya wemhlaba kute imini – busuku kuphela. Tjela umngani wakho kutsi ngabe kwentiwa yini loku.


Bomakhelwane betfu labasedvute bonkhe bakuMkhatsi-lilanga munye.

Umtsala: Ematje lamakhulu ahamba emkhatsini ate ashayise umkhatsi moya wetfu abese ayasha. Emva kwaloko abese ashisa kakhulu, ancibilika enta umushi lokhanyako esibhakabhakeni. Letinkhanyeti sitibita ngekutsi tinkhanyeti letidubulako. Natifika emhlabeni tingakashi taphela sitibita ngema "methiyorayithi."

Inyanga: Litje lelibandzako lelisigadla lesifile selidvwala lesilutfuli lolugicika lugege umhlaba. Lincane ngalokuphindvwe ka-4 emhlabeni,

Lilanga: Ibhola levutsa bhe yagesi. Ekhatsi emajukujukwini elilanga kunesivutsevutse sekushisa kangangoba imimoya yemagesi ayancibilika. Lokuncibilika noma kuhlanguka kwemimoya kunika emandla umhlaba. Lilanga nalo yinkhanyeti lefana naletinye lesingatibona ngenhlavu yeliso ebusuku.

Ase sifundze



Teacher:

Sign:

Date:

Ase sifundze

Tichingi-mhlaba letitichwe: Tingemabhola noma tigadla temadvwala kanye nelichwa-litje, tigege lilanga khashane kakhulu. IPLutho yatiwa kakhulu ngekutsi yinkhanyeti mhlaba lesichwe.



Asibhale

Umhlaba wetfu unabomakhelwane labanyenti labanelisasasa. Ufundzile kancane ngalabanye balabomakhelwane. Ngubaphi longatsandza kwati kabanti ngabo? Bhala labo lobacokile ngephasi. Nika tizatfu tibe timbili kutsi ukhetseleni laba.

Sincomo sami: _____

Tizatfu tami letimbili: _____



Ase sifundze

Nasengca tichingi-mhlaba letitichwe sesisukile **kuMkhatsi-langa**. Nyalo sisekhatsi emajukujukwini emkhatsini longephandle kwalona wetfu. Lapha sitfola loku lokulandzelako.

Tinkhanyeti: emabhola agesi loshisa kakhulu, njengelilanga, kepha akhashane natsi. Kunetigidzigidzi taletinkhanyeti-angeke sikwati kutibhala tonkhe ngalokuphelele. Tinkhanyeti tehlukana kanengi ngebukhulu.

Luhlelo-mkhatsi lwemhlaba wetfu sitsi ngumkhatsi longaphandle. Phela umkhatsi mkhulu ngiko konkhe lokudaliwe, kepha kuncane kabi lesikwatiko ngawo. Ucabanga kutsi tikhona letinye tindzawo letifana nemhlaba wetfu le kumkhatsi mkhulu? Kukhona lokuphilako lapho?



Kuhamba kwemkhatsi



Ase sifundze

Bonkhe labantfu bebangemahlaha-ndlela kutekuhamba emkhatsini.



Yuri Gagarin waseRashiya, waba ngumuntfu wekucala kutungeleta umhlaba ahamba ngencola mkhumbi yemkhatsi (mhlaka 12, Mabasa 1961).

Neil Armstrong waseMelika waba ngumuntfu wekucala kubeka lunyawo eme enyangeni (mhlaka 20 Kholwane 1969).



Christa McAuliff waba nguthishla wekucala kuba ngumntjuzi-mkhatsi, i-astronothi. Kodwa noko washona ngesikhatsi indiza-mkhatsi, iChallenger ichuma isha ingcongca (mhlaka 28 Bhimbidwane 1986).



Mark Shuttleworth ngumuntfu wekucala eNingizimu Afrika kugega umhlaba (Mabasa 2002).



Asikhulume



Khuluma nemngani wakho kutsi nitawuvakashela yiphi inkhanyeti mhlaba.

Nitawufika njani kulenkanyeti mhlaba?

Ngubani noma yini leningahamba nayo?

Ningatsandza kuhlala sikhatsi

lesinganani khona?



Ase sifundze

Lamanye alamalanga enkholelo aba ngetinsuku letehlukile umnyaka ngemnyaka. Tfola kutsi atakugujwa nini lonyaka.

21 Kholwane: (uma inyeti lensha seyibhalashile) kuba kucala kwenyanga yeRamadani – lokulilanga lenkholelo yesi-Izlamu. IRamadani sikhatsi sekuzila kudla, kuhambe nemikhuleko lekhetsekile nekufundvwa kweKhur'an.

19 INgci: (uma inyeti lensha seyibhalashile): Umgubho we-Eid-ul-Fitr wenkholelo yesi-Izlamu. Lona ngumgubho wenjabulo kodwa lonesizotsa ekupheleni kwekuzila inyanga yonkhe kweRamadani. Kulilanga lendvumiso, kunakekela timphofana nekuvakashela tihlobo nebangani.

Kholwane noma iNgci: RakshaBandhan ngumgubho wesiHindu. EmaHindu agubha budlelwane emkhatsini webanaka nabodzadze. Dzadze ubopha irakhi (lucotfo lolungcwele) esihlakaleni semnakabo kukhombisa lutsandvo nemikhuleko lanayo ngemnakabo, kanye nesetsembiso sangunaphakadze semnakabo kumvikela dzadzewabo.

INgci noma iNyoni: IKrishna Janmashtami ingumgubho wesiHindu. Kutalwa kwaKrishna Janmashtami kugujwa ngekuzila. Krishna ngumhlonishwa lomcoka webuHindu. Ngalelilanga bantfwana bavamise kwetfula imidlalo lesuselwe emphilweni yaKrishna.

INyoni: IPitrPaksha ngulomunye umgubho wenkholelo yesiHindu. EmaHindu ahlonipha emadloti awo (ema"pitrs"), kakhulukati ngeminikelo yekudla.

Emanotsi athishela. Lamalanga enkholelo nalakhethsekile aba ngethemu yesitsatfu. Kufute nisebentise lama-awa lamatsatfu ngalethemu kukhuluma ngalamalanga. Loko lenikwentako njengelikilasi kutawuya ngekutsi emacembu emasiko netenkholelo ebafundzi ekilasini lakho eme kanjani kanye nekulawulwa yinchubomgomo yesikolo. Lamaholide esive lamabili kufute ahlonishwe ngibo bonkhe baseNingizimu Afrika.



Kholwane noma iNgci: ITishaB'av lilanga lenkholelo yesiJuda. EmaJuda azilela kulilela kubhujiswa kweLithempeli leKucala neLesibili eJerusalema, abuye akhumbule naletinye tinsizi netigemeleme letehla ngalelilanga. Lolusuku lubitwa ngekutsi "lusuku lolumunyu dlutfu emlandweni wesiJuda".

INyoni: IRosh Hashanah nguMnyaka loMusha wesiJuda. Bantfu bashaya luphondvo lwemvu (lubitwa ngekutsi yishofar) kugubha lolusuku. Badla kudla lokunjengemahhabhula lenyiwe elujwini kukhombisa kutsi banenshisekelo yemphilo lemnandzi emnyakeni longenako.


INyoni noma iMphala: IYom Kippur ifika emva kwemalanga lalishumi yengcile iRosh Hashanah. Lolu lusuku lolungwele kakhulu etinsukwini tenkholelo yemaJuda.

9 INgci: Lusuku Lwesive lwaBomake – Liholide Lesive. Mhlaka 9 iNgci 1956, 20 000 webafati bashuca bacondza eTindlini Tembuso teNyonyane ePitolo balwa nekutsi laBansundvu kufute betfwalane nencwajana ya"dompasi". Lenzima yebafati emmangweni waseNingizimu Afrika igujwa ngalelilanga.

1-7 INyoni: Liviki Lesive leSihlahla i-Abha. Bantfu bayakhutsatwa kuhlanyela tihlahla.

8 INyoni: Lilanga laMhlabawonkhe leKufundza. Lelilanga ligcamisa bumcoka bekukwati kufundza.

24 INyoni: Lilanga leMasiko – Liholide Lesive. Bonkhe bantfu baseNingizimu Afrika bangawagubha emasiko abo kanye newalabanye.





Ase sifundze

Umhlaba ugcwele tintfo letiphilako. Kunetilwane, bantfu, timvu, emahhwabayi, nalokumilako njengembila, tihlahla temnyezane kanye nebuhlalu bemacoco.



Titjalo tivame kuba nemagala, emacembe, tiku kanye netimphandze. Titjalo timbali, titselo kanye nembewu. Linengi lato linemacembe lanembala loluhlata.




Asikhulume

Kubuyaphi kudla kwetfu?

Buka letitfombe ucoce nemngani wakho ngato. Kulelikhasi lelilandzelako kuneluhla lwekudla. Kubili kwako akuphumi kuletitfombe lotibonako. Ngutiphi letintfo letimbili?

Sewufundzile ngekutsi kudla kwetfu kubuyaphi. Ase sibone kutsi ukhumbulani.





Ase sifundze

Titjalo tisinika tihlobo letehlukene tekudla. Tonkhe tibhidvo, titselo nemantongomane kubuya etihlahleni. Tisisita kutsi sihlale siphilile ngoba tinemavithamini, luswayi, takhamtimba, bo-oyili kanye nalokwenta kudla esiswini kugayeke kahle. Neshokoletshi nayo ibuya emantongomaneni.



Asibhale

Bhala incwadzi ubhalele umuntfu lovame kukulungisela kudla. Sebentisa loluhlaka. Gcwalisa ngemagama laseluhlwini.

imphuphu liphalishi litsanga lizambane sicadze bhotela wemantongomane
sinkhwa likhekhe isaladi yelethisi emampentjisi emahhabhula luhwabha

Sawubona _____

Ngiyabonga ku _____

Ngitsandza kudla _____

Angitsandzi ku _____

ngoba _____

Ngicela ungentele _____

Kudla lokubuya etilimeni kungaba kahle ngoba _____



Asikhulume

Buka letitfombe ucoce ngato nemngani wakho.



Teacher: _____

Sign: _____

Date: _____

Tilimo: kusuka emobeni kuya kushukela



Ase sifundze

Shukela nguleny ye tinhlabo tekudla lesiyidzingako kuhlala siphilile. Kunetinhlobo letehlukene tashukela. Shukela simtfola etitselweni. Ngisho nelubisi lunaye shukela. Lesitfombe sitjengisa shukela lophuma emfeni lengumoba.



Ase sifundze

Umoba ulusito lolukhulu.

Umoba silimo lesidze lesibukeka njengabhambuli. Simila endzaweni lefutfumele lenemvula lenengi. Umoba udzinga lilanga kakhulu kanye nemvula. ENingizimu Afrika sifundza sakaZulu-Natali sikulungele kakhulu kuhlanyela umoba.

Buka lesitfombe semoba. Naka loku sicu lesidze
lesiligolide; emacembe lancama lamadze
lokuhlabanako esicwini; Sikhehle setimphandze
emhlabatsini.

Umoba udzinga kukhula tinyanga letili-14 kuya
kuma-24 kute kutsiwe sewulungele kuvunwa. Ticu
tinashukela-luju lolunafunako-lolungafani sanhlobo nje
nashukela lesimsebentisa emakhaya etfu!



Asibhale

Faka tinombolo etitfombeni ngendlela lefanele
kukhombisa kutsi umoba ulinywa njani.



Emahlumela emoba ayahlanyelwa.




Esigayweni umoba uyavovwa bese
luju lwashukela luyaputjutwa
luphume.

Shukela ubese uyagezwa ahlukwe
kahle sesingawutsenga-ke.




Umoba uyavunwa uboshwe
ngetinyandza.


Umoba uyaniselwa.



Umoba lomilele uyahlanyelwa.



Umoba umikiswa emshinini wekuwugaya.



Umoba uyafika emshinini.

Teacher:

Sign:

Date:



Ase sifundze

Ethemini lephelile ufundze ngemhlaba. Lesi sichingi-mhlaba lesihlala kuso. Umhlaba usinika konkhe lesikudzingako kute siphile. Kugega umhlaba kukhona ludwadvwasi loluncane lwemoya. Lucuketse umoya lesiwuphefumulako lesiwudzingako kuze siphile. Loludwadvwasi loluncama lwemhlaba lesihlala kuwo nalesilubita ngekutsi "sikhokho" semhlaba lunemhlabatsi longetulu lesingawusebentisa kulima kudla.



Loludwadvwasi lwekucala lwemhlaba luphindze lube nelidwala lelicinile njengetintsaba. Kuloludwadvwasi sitfola luswayi, ligolide, emadayimane nemafutsa, kanjalo futsi nemalahle.

Siphindze sitfole lwandle kuloludwadvwasi loluncama lwelidwala. Elwandle sitfola kudla lokunjengenhlangi. Lwandle nalo lumcoka ngoba imikhumbi leminengi yetfwala imitfwalo nebantfu labagibele kuyo.



Asente loko

Sebentisa lolwati lolungenhla kudweba sitfombe semhlaba. Sebentisa tinsita letinengi njengepeniseli, emakhilayoni, tinamatselisi, inki, pendi. Buye ucabange ngekwengeta letinye tintfo longatisebentisa njengemaphepha, emakinobho, tigubhu temnenkhe, emacembe netimbali letomisiwe. Sebentisa tinsita longakaze watisebentisa nomake usebentise tinsita letinsha kuwe.





Asikhulume

Ufundzile kutsi kudla kubuyaphi. Usebenta nemngani wakho beka luphawu (✓) kuloko kudla lokuphuma emhlabatsini.

emahhabhula	
inyama yengulube	
shizi	
inyama yemvu	
emacandza	
litsanga lelincane leliluhlata	
emasi	
umbhidvo	
liwolintji	
limpentjisi	
emaphizi	



Lukutjelani loluhla lwakho?



Asibhale

Bhala indzima ubhalele umhlaba kuwubonga ngalosipha kona. Yengeta munye umusho lapho wetsembisa khona kusita kuwunakekela.

Mhlaba Lotsandzekako, ngiyabonga ku _____

Ngiyetsembisa kutsi ngitawu _____




Teacher: _____
 Sign: _____
 Date: _____

Umhlaba: kusuka elubumbeni kuya esitinini



Ase sifundze

Umhlaba unetinhlobo letinengi letehlukene temihlaba. Lubumba ngulenze yaletinhlobo. Etinkhulungwaneni teminyaka bantfu balusebentisile lubumba kubumba titini tekwakha.



Asente loku

Dvweba tintfo letimbili lesingatakha ngetitini bese utinika sihloko.



Asibhale

Phendvula lemibuto.

Kwentiwa yini kutsi titini tingabi ngumbala munye?


Titini takhiwa ngelubumba kuphela yini?






Asibhale

Buka letitfombe bese utjela umngani wakho kutsi kwentekani kusitfombe ngasinye.




Kugujiwa lubumba




Umshini ucoba lengcubevange yelubumba uyenta tintsambo.



Luyagaywa lubumba kahle bese luhlanganiswa nemanti.




Umshini uyasetjentiswa kujuba ticeshana letikhokha titini.



Tincetu letomile telubumba tiyabhakwa emshinini wekubhaka titini.




Uma ngabe letitini setikhishiwe kulefolomu yekutibhaka, tiyahlungwa.



Titini tipakishwa etikwaletinye tentiwa indvundvuma. Tilungela kutsengiswa.

Niketa lemisho tinombolo ngekulandzelana kukhombisa kutsi sitenta njani titini.

	Nase tisusiwe titini efolomini tiyahlungwa.
	Luyagaywa lubumba kahle bese luhlanganiswa nemanti.
	Umshini uyasetjentiswa kujuba ticeshana letikhokha titini.
	Lubumba luyatatjwa.
	Titini tipakishwe taba tindvundvuma setilungele kutsengiswa.
	Tincetu letomile telubumba tiyabhakwa emshinini wekubhaka titini.
	Lubumba lolubhiciwe luyajutjwa ngemishini lube ticeshana.
	Titini telubumba tiyomiswa.



Teacher:

Sign:

Date:

Tinhlekelele nalokufanele sikwente – tinhlobo tetinhlekele: tikhukhula




Ase sifundze

Tinhlekelele

Sehlakalo simo lesenteka
ngekuphutfuma singakabhekeki.
Kusimo lesimatima ngekutsi sitsintsa
bantfu nemvelo. Sehlakalo singabanga
kutsi kufe bantfu labanyenti
siphindze sente umonakalo lomkhulu.
Tehlakalo letinyenti tibangwa yimvelo
njengemoya noma imvula.

Sibonelo kungaba simo ngemuva
kwemvula lenkhulu. Nebantfu
bangasibanga sehlakalo. Sibonelo,
kushiya likhandlela livutsa ebusuku
kungabanga umlilo.




Asikhulume

Buka letitfombe ucoce
nemngani wakho ngaso.

Coca ngaloko lokubonako esitfombeni
ngasinye. Shano kutsi sitfombe ngasinye
sikhomba luhlobo luni lwesehlakalo.

Thishela wenu utakwenta luhla lwato
tonkhe timphendvulo tenu ebhodini.

Ngeta timphendvulo letingafani
netakho kuloluhla lwakho.





Ase sifundze

Fundza lendzaba yeliphephandzaba lelandzelako ngenhlekelele yetikhukhula. Cale utifundzele wena. Sale uhlala nemngani wakho niyifundze kuvakale. Niketanani ematfuba. Fundza indzima yinye, bese uniketa umngani wakho ufundza lenye.

Tikhukhula letinemandla tibanga umonakalo lomkhulu

KuseSchmidtsburg

ngeMgcibelo

14 ngaBhimbidwane 2011

Bantfu labalishumi nakubili bafile kantsi labangemashumi lamane nesihlanu betfulwa etihlahleni nasetu kwetindlu kuleNyakatfo neLidolobha iKapa.

Lenhlekelele yenteka nje emva kwetimvulakati ngaLesihlanu. Line kwengca lobekubhekekile.

Kube yimvula lenkhulu nalembikati lidolobha lesolo layigcina nga 1985.

Bantfu lababili bafile nabetama kwewela libhuloho edolobheni ngemoto, timoto tabo takhukhuleka.

Tekuphalala lokuphutfumako emaphoyiseni, neticimamlilo netekuphepha kutemphi tisindzise bantfu. Asafuna nalamuhla emaphoyisa kutsi labahlangana nalenhlekelele batfolakala bonkhe yini.

Bantfu labanengi edolobheni balahlekelwe nguko konkhe labanako emakhaya. Tindlu letakhiwe etigodzini noma etindzaweni letiseceleni kwemifula taba nemonakalo lomkhulu kakhulu.



Labanye labahlangabetana nalenhlekelele abazange bayilalele imiyalo yemaphoyisa.

Linengi lebantfu lite kudla netimphahla. Sebahlala emahholeni, emasontfo kumbe nebangani babo noma bemindeni yabo.

Kutawutsatsa tinyanga letisitfupha kulungisa konkhe lokonakele. Sodolobha ucele bonkhe bantfu kutsi babambane.



Asibhale

Phindza ufundze lendzaba yeliphepha, bese uphendvula lemibuto.

Inhlekelele yetikhukhula yenteka kusiphi sifundza?

Yacala nini imvula?

Livamise kuna kakhulu yini kulelidolobha?

Kungani bantfu labanengi bete kudla?

Teacher:

Sign:


Date:

Ase sifundze

Umlilo wenteka nakuhlangana tintfo letintsatfu.
Letintfo letintsatfu nguleti:

- kwekushisa lokunjengelukhuni
- kushisa lokufana nelilangabi lelibuya kulesikukhanyisako noma umetjiso
- gesi losemoyeni lobitwa ngekutsi yi-oksijini.

Kokutsatfu kumele kube khona kanye kanye.
Bewati nje kutsi umlilo ngeke uchubeke uvutse nakute umoya weluhlobo lwe-*oxygen*?



Asibhale

Thishela wakho utawulumeka likhandlela bese ubeka ingilazi lete lutfo ekhatsi etu kwelikhandlela. Buka kutsi kwentekani.



Kwentiwa yini loku?
Bhala umusho ube munye encwadzini yakho yekubhalela.

Asikhulume

Unemngani wakho tfolani timphendvulo talemibuto:

Kucisheleni kukhanya ekhandleleni?

Kumele wati imphemdvulo yalombuto nakumele ucime umlilo. Sisho ngani?

Utawulalela tonkhe timphendvulo thishela wenu bese uyakhetsa kutsi ngutiphi letincono kakhulu.

Asikhulume

Sebentani njengelikilasi. Cocani ngekutsi ngutiphi tintfo letishako. Ngutiphi tintfo leningatitfoli emakhaya kini? Kulokucocisana kwenu, ngumuphi umlayeto longawumikisa ekhaya ngekuphepha emlilweni?



Asibhale

Bhala timphendvulo kuletikhala ethebulini lelilandzelako:



Umcoka ngani umlilo kitsi

Lesikunikwa ngumlilo:	Singawusebentisa njani:
kushisa	Imphendvulo yakho
kukhanya	Imphendvulo yakho



Ase sifundze


Niketa thishela libhuku lakho kutsi abuke timphendvulo takho.

Njengetinhlekelele tetikhukhula, tindhlekelele temlilo nato tingabanga kufa nemonakalo lomkhulu.

Imililo yematsafa kulesinye sikhatsi ikahle ngoba ihlanta imvelo. Kodvwa imililo yematsafa lemibi ingabulala titjalo netilwane lesitidzingako. Iphindze isidvonsele ekugedvukeni kwemhlaba nesingcolisa-moya.

Kuyadzabukisa kutsi i-9 kulokuli-10 (ngetulu kwa 90%) wemililo ibangwa budlabha bebantfu.

Sonkhe kumele sifundze kuvikela tehlakalo letibangwa ngumlilo. Kumele wati kutsi ungentanjani ngemonakalo lobangwe ngumlilo.





Teacher:

Sign:

Date:

Kulesinye sikhatsi nawutsintsa intfo letsite leyakhiwe ngensimbi, njengensika yemnyango, uva kuhlaba lokuvevetelako uve shengatsi uyazintileka. Loku kwentiwa kutsi kunemlilo wagezi lowakheka emtimbeni wakho. Lomlilo ungendlulela etintfweni letakhiwe ngensimbi nawutitsintsa.



Lemibane lesiyibona ngesangcotfo iyafana naloku. Gesi uyakhela efini linye bese "wengcela" kulelinye lifu noma emhlabeni.

Kushaya kwemsindvo lomkhulu lotakuva emuva kwembane kuyafana nalokuhlaba lokuphangisako nawutsintsa intfo leyinsimbi, kodvwa kona kunemsindvo. Minyaka yonkhe bantfu labangetulu kwema-30 babulawa ngumbane eNingizimu Afrika.



Nayi imitsetfo lemitsatfu yekuphepha nakudvuma litulu.

Uma uvinjetelwe litulu lekudvuma, khumbula:

- Ungacali ume ngaphasi kwesihlahla noma eceleni kwafenisi lowakhiwe ngensimbi.
- Ungabhaci emgodzini emhlabatsini.
- Nawusemfuleni, edamini noma uyabhukusha, phuma masinyane!






Asikhulume

Coca nemngani wakho ngalesitfombe.
Shano kutsi ngakunye kuyingoti ngani
kubakuko nalidvuma ligcoba.



Asente loku

Phindza ubuke lemitsetfo
leimitsatfu yekuphepha
etulwini nekudvuma.
Khetsa munye wayo.



Yakha iphosita lengasetjentiswa kwatisa bantfu ngekuphepha embaneni nekudvuma.
Kuphosita yakho kufanele:

- kube nemagama
- yakhiwe lokungenani ngetintfo letimbili letehlukene.
- kube malula kuyicondza ngekuphangisa.



Asishukume



- Usebentisa umtimba wakho lingisela tinhlobo tembane esitfombeni lesisekhasini 40. Bamba lokuphumula imizuzwana leli-10.
- Ntjintjela kulokunye kulingisela "umbane" phumula imizuzwana lengema-20.
Kopa yonkhe lemishukumo kube ngatsi usesibukweni.
- Timele wena futsi.
- Nyalo hambisani imitimba masinyane shengatsi niyimibane leshaya ngemandla niphindze leminyakato.



Asikhulume

Ungaba ngulophephile yini emotweni
nakunesangcotfo kudvuma litulu?

Coca ngemngani wakho ngaloku.

Umbane ungashaya kabili yini endzaweni yinye?

Cocani ngalemibuto ekilasini lakho.



Teacher:

Sign:

Date:



Tangcotfo netiphepho



Ase sifundze

Fundza indzaba yaBusile ngesangcotfo lesikhulu.

Inhlekelele lengingayikhohlwa

Emafu lesabekako lamnyama bekasongana abutseka lusuku lonkhe. Babe walalela tindzaba emsakatweni wemoya. Umsakato bewubelesele usecwayisa ngemoya lomkhulu kanye nemvula lenkhulu. Emaphoyisa eta kutowubona kutsi siphephile yini aphindze asecwayisa ngekutsi senteni nakufika sangcotfo.

Babe wafaka lithoshi lakhe, umsakato lomncane nemadokethe etfu lamcoka esikhwameni seliplasitiki. Make wapakisha timphahla tetfu ngamunye temalanga lamabili esikhwameni. Gogo wafaka emaphilisi akhe esikhwameni lesincane. Setsa emanti emabhodleleni lebesingawatfwala.

Babe ujube ligala lelikhulu lesihlahla lebesilengela endlini yakitsi. Savala emafasitelo. Babe wafaka ithephu lenamatselako etingilazini temafasitelo wase ushayela emapulango emafasitelweni.

Nakuchubeka kuba mnyama kakhulu, lacala kuna ngemandla. Umoya wavunguta kakhulu ubanga nemsindvo.

Kwatsi emanti nakengca ngemdvumo embi kwendlu yakitsi, bakamasipala



baletsa emasaka netikhwama letimnyama
kutsi sente emajazi emvula.

Besetfuke kakhulu. Luphahla lwendlu
lwavevetela kungatsi lutakuwa, nemanti
avuta yonkhe indzawo. Njalo emva
kwemizuzu lembalwa kukhona bekudzilika
eluphahleni.


Kwaba nemsindvo lomkhulu uvala tindlebe.
Hhawu, indlu yakitsi yabe seyite luphahla!

Sadvonsa tikhwama sambonya tindhloko sabaleka endlini. Kwadzingeka sivike
tintfo letipheshulwa ngumoya kutsi tingasilimati. Sibhakabhaka besikhanyiswa
yimidwa yembane.

Sagijima, sihlaphuta ludzaka sibange ehholeni yemmango. Labanengi bantfu
bese bavele babutsene lapho.

Ngakusasa ekuseni, sabona umonakalo lomkhulu lobangwe litulu. Tinkhukhu
takitsi tingasabonwa nangelukhalo kantsi nenkhomati yetfu yase ibalekile.

Sangcotfo saba yinhlekelele leyesabekako, sabanga umonakalo lomkhulu
nasemadolobheni labomakhelwane. Sinenhlanhla kutsi sisaphila.



Siyacocisana

Yentani umdlalo malingisa ngalenzaba.

Lamagama lalandzelako achaza timo telitulu letehlukene:


Sishingishane: ngumoya lomkhulu lodvudvula wente umonakalo lomkhulu.

Sivunguvungu: umoya uvunguta ngekushaya siguco.

Sishwingiliti: ngumoya lonemandla ushwilana uye etulu endzaweni lencane.

Ngusiphi simo selitulu locabanga kutsi sahlasela lomndeni?

Wentani lomndeni kutsi utivikele kulesangcotfo?



57 Kugidzitela kwemhlaba

Ase sifundze

Kugidzitela kwemhlaba kwenteka ngesikhatsi lucwecwe lwemhlaba lusuka lukhwesha noma lunyakata kakhulu noma luveva.

Kunyakata lokuphutfumako kwakha umoya losamagagasi ugijime kulolucwecwe lwemhlaba. Lamagagasi atamatamisa umhlaba netintfo letinengi letikuwo – ngiko loku lesikuvako noma sikubone.

Kutamatama kwemhlaba kungabanga kufa nekulimala kwalabanengi, kuphindze kwente umonakalo lomubi etakhiweni.



Ase sifundze

Naku lokunakekako ngekutamatama kwemhlaba.

Hlalani ngemacembu nibe bane. Niketanani ematfuba ekufundza kakhulu.

- Bantfu cishe labati-10 000 bafa nakutamatama umhlaba yonkhe iminyaka.
- Kutamatama lokusi-8 kulokuli-10 kwenteka elwandle lolukhulu iPhasifiki.
- Kutamatama kwemhlaba ngephasi esiyilweni selwandle kulesinye sikhatsi kwenta emagagasi lanemandla ematsunami.
- Ematsunami ahamba ngetulu kwelwandle ngesivinini lesikhulu. Lamanye ashaya emakhilomitha langema-960 ngeli-awa.
- Lamanye ematsunami afika e-15 wemamitha budze.
- Lenkhulukati itsunami yenteka mhla 26 ngeNgongoni 2004.
- Yatsikameta emave lali-11 madvute neLwandlekati lweNdiya.
- Kufa kungavikeleka nangabe bantfu bahlelela kuvikela sehlakalo



sekutamatama kwemhlaba.

Bangakha takhiwo tetindlu letijikitako tiye emaceleni nakunekutamatama kwemhlaba, kunekutsi tivele nje tidzilike.

- Mhlaka 29 iNyoni nga 1969 kutamatama kwemhlaba lokukhulu kwenteka eCeres, eTulbagh naseWolseley eNshonalanga Kapa.
- Kutamatama kwemhlaba lokunemandla kangaka akukavami eNingizimu Afrika.
- LiTheku, uMgungundlovu neLidolobha iKapa ngemadolobha eNingizimu Afrika lasengotini yekuba nekutamatama kwemhlaba.
- Kusukela ngeNdlovana 2010 indzawo yase-Augraabies eNyakatfo Kapa ibe nemahlandla lamanyentana ekutamatama kwemhlaba lokuncane.



Asente loku

Buka lelibalave lemhlabha. Yenta luphawu noma ubhale loku lokulandzelako kulo:

- 1 Lwandlekati lapho kutamatama kwemhlaba lokunengi kwenteka khona.
- 2 Indzawo lapho kwaba netsunami lenkhulukati ngeNgongoni 2004.
- 3 Live lapho kwashaya itsunami khona mhlaka II iNdlovulenkulu 2011.
- 4 Lidolobhakhulu eNshonalanga Kapa lelinekuba nekutamatama kwemhlaba.
- 5 Lelinye lemadolobha aKaZulu Natali lelinekuba nekutamatama kwemhlaba.
- 6 Indzawo eNyakatfo Kapa lehlaselwa kuvevetela kwemhlaba.



Ungafaka umbala ngekhilayoni kulo lonkhe libalave.



Teacher:

Sign:

Date:

Tilwane letisisitako: singeniso

Asikhulume

Buka letitfombe taletilwane. Njengelikilasi cocani ngekutsi letilwane tisisita ngani.




Ase sifundze

Kudzala, emandvulo bantfu bacala basebentisa tikhumba tetilwane kutivikela emoyeni nasemakhateni.



Ngekuhamba kwesikhatsi bantfu base bayabona kutsi bangasebentisa volo wetimvu naletinye tilwane njengetikhumba telama kwenta timphahla. Letimphahla betilula futsi tincono kunetikhumba nje.



Sisebentisa tikhumba tetilwane kwenta tintfo letehlukene letinengi njengetikhwama, tipatji, neticatfulo.



Eminyakeni letinkhulungwane leyengcile, tonkhe tilwane betihlala endle. Eminyakeni leminengi tilwane letifana netinja, bokati, timvu, emahhashi kanye netinkhomo tabe setiyafuywa. Lamuhla, sesifuya tilwane kutfolo tintfo letehlukene.



Tonkhe tintfo
letinaloluphawu
tentive ngensontfo.



Etibungwini tesilika sitfolo isilika lesenta ngayo timphahla letinhle letintofontofo.



Tilwane letisinika kudla noma kwekugcoka: tinyosi



Ase sifundze



Tinyosi takha emakhekheba neluju phindze tisite balimi kutsi kukhicita titselo. Tinyosi tiphila emimmangweni lebitwa ngekutsi tidleke. Letinye tinyosi tiyaphuma tiyobutsa vovovo nenkhovi yetimbali. Tibuyela nako loku emuva esidlekeni. Vovovo wondla tinyosi letisetincane, inkhovi yona iguculwa ibe luju kutsi yondle tinyosi lesetikhulile.

Tinyosi tigcina luju nepholeni ekhekhebeni letinyosi. Lelikhekheba lakhiwa ngamanafu lophuma emtimbeni wetinyosi.



Balimi betinyosi bacongelela luju lolungakasetjentiswa tinyosi. Luju kudla lokunemphilo, siyaludla nesinkhwa noma nendengane.

Siphindze sisebentise manafu wetinyosi kwenta tintfo letinyenti letehlukene letifana naloku:

- Emakhandlela
- Insipho
- Emakhilayoni
- Ipholishi yefenisha
- Emafutsa ekugcobisa umlomo netimonyo tekutilolonga
- Kuvikela emanti kulokwakhiwe ngesikhumba
- Ipholishi yetintfo letakhiwe ngesikhumba njengeticatfulo



Tinyosi timcoka kakhulu kitsi, ngoba tisita tilimo letinyenti letilinywa balimi kutsi takhe inhlanyelo lokuphuma kuyo tilimo. Tikwenta loku ngekutsi tendlale vovovo kuleso naleso sihlahla natisa butsa vovovo kanye nenkhovi. Lokunye kulokutsatfu kwekudla lesikudlako kuyasitakala ngepholeni yetinyosi. Kepha-ke setincane tinyosi nyalo kunakucala ngendzaba yetifo nekusetjentiswa kwemitsi emasimini. Caphela ngetinyosi. Natikusutela kuba buhlungu kakhulu.



Asibhale

Lemisho iliciniso noma ngemanga? Beka luphawu lwekuklwibhita (✓) ebhokisini.

	Liciniso	Akusilo
Akubuhlungu kusutelwa yinyosi.		
Tinyosi tilahla sishakato tisandiza tiya esidlekeni sato.		
Balimi bemuka tinyosi luju lolukuphela kwalo.		
Tinyosi teluju setetayele kuhlala nebantfu.		
Luju lunashevu nalusetjentiswe ekudleni.		
Umtfwebeba ungasisita kutsi sipholishe ticatfulo tesikhumba tize timanye.		
Umtfwebeba wetinyosi awukwati kwenta emanti angangeni esicatfulweni sesikhumba.		
Luju luyababa		
Linani letinyosi liyakhula.		
Tinyosi tidla luju.		

Teacher:
Sign:
Date:



60 Tilwane letisinika kudla noma kwekugcoka



Ase sifundze

Tinkhuku tisecejini letilwane lesitibita ngekutsi tinyoni. Tilwane letitalelako tinyoni lesetetaye kuhlala nebantfu. Sitfola emacandza, inyama, tinsiba kuletinyoni. Loku kufaka ekhatsi tinkhukhu, emahansi, ematuba, imithintangwe, emaphengwini kanye nematuba nemakewu.




Eningizimu Afrika kufuywa tinkhukhu letingaba tigidzi letingema-950 ngemnyaka. Tifuyelwa emacandza nenyama. Bantfwana labafundza Libanga 3 eNingizimu Afrika bangaphindvwa cishe kali-100 kwenta inombolo yaletilwane letitalelako.



Asikhulume






Buka letitfombe bese ucoca nemngani wakho ngato. Ngutiphi letisinika emacandza ladliwa bantfu labanyenti?





Asibhale

Buka letitfombe bese ubeka indilinga kuko konkhe kudla lesikutfole enkhukhwini. Manje buka kudla lokusele bese usho tilwane lokuphuma kuto.




Asakhe

Khetsa luhlobo lwenyoni lefuywako longayakha ngeliphepha lelimako. Buka lemibala leyehluhlukenekene nekubunjwa kwaletinsiba. Phindza ubuke titfombe temtimba letehlukene yaletinyoni. Khetsa loko lofuna kukugcizelela.




Asishukume



- Telule ngendlela licudze lelitelula ngayo nalitawukhala.
- Gwabhutisa imikhono yakho njengemaphiko ulingise tinyoni lefuywako letehlukene.
- Hamba njengetinyoni lefuywako letehlukene.
- Sima njengenyoni kufenisi.
- Hlukanani nibe ticheme letimbili.

Sicheme sinye sitawuba bolohheya. Labakuletinye ticheme batawuba mantjwele. Bolohheya bagijima nemikhono levuleke njengetimphiko, bacosha emantjwele bazama kuwabamba. Emantjwele agijima ayobhaca kunina sikhukhukati. Tjintjani badlali labanye ababe mantjwele labanye babe bolohheya.




Tilwane letisinika kudla nekwekwembatsa: tinkhomo

Ase sifundze

Luphumaphi lubisi lwetfu?

Uyati yini kutsi lubisi lufika kanjani kitsi emakhaya?






Ase sifundze kabanti ngaloku.



Asikhulume

Buka letitfombe ucoce ngato nemngani wakho.

Silutfola kanjani lubisi





Asikhulume

Akusilo lodvwa lubisi lesilutfola enkhomeni. Yini lokunye lesikutfola enkhomeni? Yabelana nelikilasi luhla lolwentile.



Asente loku

Kuleyo naleyo fulemu, dvweba intfo lesiyitfola elubisini. Bhala libito lentfo ngephasi kwesitfombe ngasinye losidvwebako.



Teacher: _____
Sign: _____
Date: _____

Tilwane letisinika kudla noma kwekwembatsa: timvu




Ase sifundze

Volo

Ekupheleni kwebusika, timvu atiwasweli emabhantji ato avolo locatsa kutsi tifutfumale. Ngako lesi sikhatsi lesifanele kutsi tihhule! Sisebentisa volo kwenta tintfo letinyenti letehlukene. Singakha emajezi ngensontfo, noma seluke noma yini lecatsa.

Kunetimvu letehlukene tavolo eNingizimu Afrika. Letivamile nguleti: emaMerino, iBlinkhaar-ronderib Afrikaner, iDorper kanye neDormer. Letitfombe letikulelikhasi tikutjengisa kutsi tibukeka njani letimvu.



IMerino iluhlobo lemvu lenkhulukati eNingizimu Afrika.



IBlinkhaar-ronderib Afrikaner iluhlobo lwaseNingizimu Afrika. Icinile kani iphila kahle noma simo simatima.



IDorper yimvu letfolakala kakhulukati eNingizimu Afrika.

IDormer nayo iyafuywa eNingizimu Afrika. Inavolo lohlayekile.



Simtfola kanjani volo?

1. Umfuyi ugundza timvu ngesikelo noma ngemshini.



2. Volo ubekwa etafuleni ahlungwe ngetigaba tekutsi tebudze nelizinga.



3. Volo ucindzetelwa entiwe emabhele bese uyatsengiswa.



4. Manje volo uyagezwa ahlobe.



5. Volo uboshwa tinkhatsa alungiselwe kuyewugaywa.



6. Nakugaywa volo, uyelulwa achinwe.



7. Volo sewulungele kutfungwa.



8. Lokulandzelako, insontfo ifakwa umbala wemphendvuli.



9. Insontfo inithwa yentiwe emajezi.



10. Emajezi atsengiswa esitolo.



Asikhulume

Khuluma nemngani wakho. Ngutiphi letinye tindlela timvu letingaba lusito ngalo kubantfu?

Teacher:
Sign:
Date:

Tilwane letisisebentelako: tinja



Siyacatsanisa

Tinja letinengi tilwane tekufuywa futsi tihlala natsi emakhaya etfu. Kodvwa tibuye tente imisebenti leminyenti lemcoka.



Tinja temaphoyisa noma teluhala tisita emaphoyisa kutfolo tidzakamiva noma kutfolo umkhondvo wetigebengu.



Tinja letiholako tisita bantfu labangaboni kutsi batfole kutsi bayaphi.



Tinja letigadzako tisivikela kutsi singahlaselwa tigebengu



Tinja tetimvu tenta siciniseko sekutsi umhlambi uhlala ndzawonye.

Tinja tekutingela tisita batingeli kutsi batfole tinyoni noma tinyamatane labatidubulile.






Asente loku

Yakha sitfombe sitfunti semngani lomkhulu wemuntfu:inja.

Udzinga loku:

- liphepha lelinemibala lemibili leyehlukene
- sikelo
- ipeniseli
- umtfofi weglu



- Dvwebainja lenkhulu kulinye liphepha.
Yenta siciniseko sekutsi umdvwebo uvala lonkhe liphepha.
- Manje sika kahleinja yakho.
- Namatsiselainja loyisikile kuleli lelinye liphepha.
- Dvweba emehlo, likhala, umlomo lonematingo enjeni yakho.
- Hlobisa sitfombe sakho ngendlela loyitsandzako. Khumbula kutsi imibala lefana nalomnyama kanye naloliphuti isebenta kahle kwakha sitfombe sesitfunti.





Tilwane letisisebentelako: timbongolo



Ase sifundze

Timbongolo tisite bantfu iminyaka letinkhulungwane letisi-6. Betitfwala bantfu nemitfwalo yabo lesindzako emihlane yato, tilima emasimu etfu tiphindze tisitfwalele emanti. Tonkhe letintfo tisenteka nalamuhla. Kunetimbongolo letilinganiselwa etigidzini tetigidzi letingema-4l emhlabeni wonkhe. Loku kusho kutsi wonkhe umntfwana wesikolo eNingizimu Afrika angaba netimbongolo leti-3.



Asibhale

Buka letitfombe bese ubhala umusho ube munye ngesitfombe ngasinye. Shano kutsi imbongolo isebenta njani.







Step 1: Cut all around on the black line

DEF

Four identical white rectangular boxes arranged vertically. Each box contains four horizontal lines for writing. In the top right corner of each box is a small illustration of a blue telephone with a white envelope icon above it.

Step 2: Fold on the dotted line

Four identical white rectangular boxes arranged vertically. Each box contains four horizontal lines for writing. In the top right corner of each box is a small illustration of a blue telephone with a white envelope icon above it.

OPQR

ABC

Step 3: Fold on the dotted line

Step 5: Cut off on the yellow line

Four identical white rectangular boxes arranged vertically. Each box contains four horizontal lines for writing. In the top left corner of each box is a small illustration of a blue telephone with a white envelope icon below it.

Step 4: Fold on the dotted line

Four identical white rectangular boxes arranged vertically. Each box contains four horizontal lines for writing. In the top left corner of each box is a small illustration of a blue telephone with a white envelope icon below it.

STUV

KLMN









GHIJ









WXYZ









My Telephone and Address Book



This book belongs to:




Birthday Wheel:

Cut out the two circles and the wedge shape.

Put the top and bottom together using a split pin. Write the birthdays of your family and friends in the correct months on the birthday wheel.

On the back you can write the months in your first language.



A circular diagram with 12 colored segments (red, orange, yellow, green, blue, purple) and concentric circles (dotted, solid, dashed) representing different levels of a hierarchy.

